



27

. Oktober. 2018

UKA 2018/80

Atassut

Aqqaluk Heilmann

Nuna tamakkerlugu Pinaveersaartitsinermit Siunnersuisoqatigiinnik pilersitsinissaq pillugu kingusinnerpaamik UPA2019-mi siunnersuummik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Siunnersuisoqatigiit Naalakkersuisunut, Inatsisartunut taamatullu kommuninut siunnersuisartuussapput atulissallutillu najukkani pinaveersaartitsinermit ataatsimiititaliaq, Imigassaq aamma Ikiaroorartuq pillugit Siunnersuisoqatigit kiisalu immaqa Peqqinnissaqarfinni pinaveersaartitsisutut siunnersortitut atorfillit taarserlugit.

(Inatsisartunut ilaasortaq Tillie Martinussen, Suleqatigiissitsisut)

Siullermik Atassummiit qujavugut Inatsisartunut ilaasortaq Tillie Martinussen, Suleqatigiissitsisut siunnersuutaanut.

Nunatsinni imigassartortariaaserput aanngajaarniutinillu atornerluinerit ilanngullugit piffiit ilaanni inuillu ilaanni nuannersuinnarmik kinguneqarneq ajortoq ilisimaarivarput qanorlu kingunerluuteqartarnera taakkunani.

Naatsumik oqaatigalugu, pisinnaaffinnik inuullu piginnaassusiinik innarliisarlutik, taamatullu ikiorneqartariaqalertarlutik pisortaniit inuit eqqornerlunneqarsimasut atornerluinikkut.

Ilaatigullu timikku tarnikkullu aamma peqqissusaat innarlerneqartarlutik.

Massakkut suliat ingerlapput, tamannalu naalakkersuisup akissutaani atuarneqarsinnaalluni, pitsaaliuinermit suliaqartunut, imigassaq ikiaroorartullu pillugit Siunnersuisoqatigiit, pinaveersaartitsinermit qitiusumik ataatsimiititaliaq, pinerlunnginnissamut Siunnersuisoqatigiit il.il. ataatsimoortumik allattoqarfimmik pilersitsinissamut eqqarsaatersuuteqartoqareersoq nalunaarutigineqarluni.

Taamaattumik siunnersuutip tunngavia taperseraluarlutigu, siunnersuut nuna tamakkerlugu pinaveersaartitsinermit siunnersuisoqatigiinnik pilersitsinissaq itigartipparput, pissutigalugu naalakkersuisut iliuusissatut suliaat ingerlammata.



Siunnersuut ataatsimiititaliamut ingerlateqqitassanngorlugu innersuussutigaarput.